



Broj:04-11-1994/20

Datum: 10.09.2020.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku, broj: 04-11-1994/20 od 10.09.2020. godine, u postupku javne nabavke radova izgradnje Industrijske zone Šejkovača, S7, Općinski načelnik d o n o s i

O D L U K U **o izboru najpovoljnijeg ponuđača**

Član 1.

Prihvata se preporuka Komisije za javne nabavke, broj: 04-11-1994/20 od 10.09.2020. godine i ugovor za javnu nabavku radova izgradnje Industrijske zone Šejkovača, S7, dodjeljuje se ponuđaču “Divel” d.o.o. Sanski Most, ponuda broj: 197/20-P od 13.07.2020. godine, za ponudenu cijenu od 360.000,00 KM bez PDV-a (cijena sa PDV-om iznosi 421.200,00 KM).

Član 2.

Prijedlog ugovora o nabavci dostavit će se na potpis izabranom ponuđaču “Divel” d.o.o. Sanski Most po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za finansije, trezor i zajedničke poslove.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: 04-11-1994/20 od 22.06.2020. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 425.359,00 KM.

Obavjest o nabavci ,broj: 305-1-3-16-3-8/20, poslana je na objavu dana 26.06.2020. godine i objavljena je na Portalu javnih nabavki dana 26.06.2020. godine.

Komisija za javnu nabavku imenovana Rješenjem Općinskog načelnika, broj:04-11-1994/20 od 29.06.2020. godine, dostavila je dana 10.09.2020. godine Izvještaj o toku i završetku E-aukcije od 09.09.2020. godine, Zapisnik o ocjeni ponuda i Preporuku o izboru najpovoljnijeg ponuđača, broj: 04-11-1994/20 od 10.09.2020. godine, u postupku javne nabavke radova izgradnje Industrijske zone Šejkovača, S7, općina Sanski Most.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 6 (šest).
- da je blagovremeno zaprimljeno 6 (šest) ponuda.
- da je u skladu sa članom 17.stav (2), (3) i (5) Upustva za pripremu modela tenderske dokumentacije i ponuda ("Službeni glasnik BiH", broj: 90/14) Komisija za javne nabavke svojim aktom od 13.08.2020. godine tražila od ponuđača "Niskogradnja-Marjanović" d.o.o. Prijedor pisani odgovor u smislu saglasnosti na ispravku računskih grešaka u Obrazcu za cijenu ponude-radova i Obrazcu za dostavljanje ponuda. Navedeni ponuđač je svoju suglasnost na ispravku računskih grešaka dostavio putem faksa 14.08.2020. godine, a redovnom poštom 18.08.2020. godine.
- da su ponude ponuđača : "Divel" d.o.o. Sanski Most, Grupa ponuđača: "Ganić" d.o.o. Sanski Most i "Prijedorputevi" a.d. Prijedor i "Niskogradnja-Marjanović" d.o.o. Prijedor prihvatljive i to:

Naziv / ime ponuđača	Ponuđena cijena (bez PDV-a)
1 "Divel" d.o.o. Sanski Most	424.742,06
2 Grupa ponuđača: "Ganić" d.o.o. Sanski Most i "Prijedorputevi" a.d. Prijedor	466.525,74
3 "Niskogradnja-Marjanović" d.o.o. Prijedor	567.678,89

Tri ponude nisu bile prihvatljive i to:

- Ponude ponuđača "I-Selimović" d.o.o. Cazin i "Tuzlić" d.o.o. Breza nisu prihvatljive iz razloga što ponude ne sadrže Predmjer radova, a tačkom 4., podtačka 4.1. "Sadržaj ponude i način pripreme ponude "tenderske dokumentacije je utvrđeno šta ponuda najmanje mora sadržavati.
- Ponuda "Mukić Komerc" d.o.o. Jajce nije prihvatljiva jer ne sadrži: Aneks 2., Obrazac za cijenu ponude-radovi, a tačkom 4., podtačka 4.1. "Sadržaj ponude i način pripreme ponude "tenderske dokumentacije je utvrđeno šta ponuda najmanje mora sadržavati.

U skladu sa tačkom 5. podtačka 5.8 tenderske dokumentacije zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16). E-aukcija je zakazana dana 07.09.2020. godine u 08:03:45 sati sa terminom održavanja 09.09.2020. godine sa vremenom početka u 11:00:00 i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 09.09.2020. godine od 11:00:00 do 09.09.2020. godine do 12:18:00 sati, a u skladu sa Izvještajem o toku i završetku E-aukcije, Komisija je konstatovala **da je došlo do promjene cijene u odnosu na početne**, te je utvrdila konačnu rang listu ponuđača kako slijedi:

Naziv / ime ponuđača	Ponuđena cijena (bez PDV-a)
1 "Divel" d.o.o. Sanski Most	360.000,00
2 Grupa ponuđača: "Ganić" d.o.o. Sanski Most i "Prijedorputevi" a.d. Prijedor	365.000,00
3 "Niskogradnja-Marjanović" d.o.o. Prijedor	567.678,89

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, tenderskom dokumentacijom i nakon izvršene E-aukcije. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača	Ponuđena cijena (bez PDV-a)
1 "Divel" d.o.o. Sanski Most	360.000,00
2 Grupa ponuđača: "Ganić" d.o.o. Sanski Most i "Prijedorputevi" a.d. Prijedor	365.000,00
3 "Niskogradnja-Marjanović" d.o.o. Prijedor	567.678,89

Izabrani ponuđač "Divel" d.o.o. Sanski Most, ponuda broj: 197/20-P od 13.07.2020. godine, je izabran primjenjujući kriterij najniže cijene, koja nakon održane e-aukcije iznosi 360.000,00 KM bez PDV-a (ukupna cijena sa PDV-om iznosi 421.200,00 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

- "Divel" d.o.o. Sanski Most
Krkojevci bb., Sanski Most
- "Niskogradnja-Marjanović" d.o.o.
Zanatska bb, Prijedor
- Grupa ponuđača ,predstavnik grupe
"Ganić" d.o.o. Sanski Most
Muse Ćazima Ćatića br. 13., Sanski Most
- "Tuzlić" d.o.o. Breza
Bosanska br. 40., Tuzla Breza
- "I-Selimović" d.o.o. Cazin
Polje br. 15., Cazin
- "Mukić-Komerc" d.o.o. Jajce
Nikole Šopa br. 22., Jajce
- Dosije
- a/a

